

OMUKUETU

No: 5.

Mei

1954



MENONGELO LIA KALUNGA.

Kalunga oha tula ojana paantu nopehala mpoka taa vulu okukuacacana opo ja koke mevuliko.

Oha tula omunandjungu pomungonzonoki, nomumueni pomupopi, opo omunandjungu a kale hi ididimikile nombili ngoka a ngonzonoka, nomumueni ngoka ha popi.

Oje oha tula omuntu omuhaja pomuhecipi ope ajehe ji ilonge iilongua. Oluindji okukala kuetu okuo ejamukulo komagalikano getu. Ohatu galikana tu peue eididimiko olindji, na Kalunga te tu tumine mboka taje tu etele emakelo edigu ljondjahi ojindji oshoka uudigu ohau vala eididimiko. (Rom. 5:3.) Ohatu indile eigandjo na Kalunga ohe tu tumine uuehame, oshoka otatu ilongo evuliko okuuehame mbuka tue u humbata. Heb. 5:8b.

Ohatu galikana tuua kale tu ihoole, na Kalunga ohe tu longekidile ompito tu vule okuijamba omoluanaua uojakuetu. Fil. 2:4. Ohatu indile esindano niinima juujuni ohaji tu tondokele mefundja ljomamakelo: „Esindo ndjoka lja sindi uujuni, oljo eitaalo ljetu.” 1Joh. 5:4;

Ohatu galikana tu mone eifupipiko noonkondo, na omujengeli gua satana ohe ja e te tu denge nopo ihe tatu tsu oongolo nokuicana Kalunga e mu tide po. 2Kor 12:7, 8. Ohatu galikana opo tu mone ekuatacano na Jesus, na Kalunga oha tete po omija detu dopanshitue nohe eca ookuume ketuelela je tu uve pombambo nenge je tu ece. (Joh. 15:2.)

Ohatu galikana tu mone ohoole ojindji, na Kalunga ohe tu tumine uuehame nohe tu tula paantu mboka ja fa jaa shi nando ohoole nohaa popi iinima mbjoka taji jaga oonerve notaji tuula omutima notaji tsu eiuuvo: Ohoole ji nontalanteni ohoole ji nolukeno, ihaji kongo shajo jene, ihaji lulu ihaji dimbulukua eaalulo ljuuinaji ohaji itaale ajihe, ohaji tegamene ajihe ohaji ididimikile ajihe, ohoole kaji hulu po nando. 1 Kor 13:4-8 Joh. 15:9-10

Ohatu galikana tu vule okulandula Jesus, na oje he tu topola mo megumbo ljetu nomezimo ljetu. Ngashi oje muene ta ti: Osho kaku na nando gumue guomune ta vulu okukala omulungua guandje ngele ite eca ajihe e ji na Luk. 14:33. Ohatu galikana tu peue omuenjo gua fa guonzigona no hatu peua oshilonga sha dinika nenge tatu ningua naji tse itatu pitikua okuipopila, oshoka oje okua li a fa onzi taji falua kosbidipagelo, eeno oje ina makula okana ke. Jes. 53:7. Ohatu galikana tu kale aanamutimamule na ohaku zi oshikungulu shemakelo shoka tashi eta uupjundjahi nuukukutu.

OKUGALIKANA PAMUE.

Moshiuambo omu na etumbulo tali ti. Oshikuni shimue ihashi pica ombiga. Ombiga opo ji pje otatu hohelica iikuni ojindji, oshoka iikuni ngele ja ji kumue otaji huamekacana notaku zi epupju enene nombiga otaji pi ihe.

Ngashi iikuni taji tulua kumue notaji huamekacana opo ji ze epupju enene, osho uo aana ja Kalunga je na okukala kumue nokugalikana pamue. Egalikano pamue otali huamica omuenjo daamboka taa galikana pamue. Otaa mono oonkondo nuupenda mokugalikana. Egalikano pamue otali eta omukumo notali kuatakanica omuenjo dauo kumue notali ningi ongodi onene ja kuata kOmuaa Jesus. Egalikano pamue otali gongele omadiladilo gauo ga kale melalakano limue. Otali ja ningi jamue notali ja tula mohoole jimue okuhola Omukulili guauo nomohoole okuholacana nokukuacacana mondjila ndjika jokuuka kegulu notaa humbatacana megalikano.

Egalikano pamue otali eta ejambeko enene ngashi Omuaa Jesus ta ti: Mpoka pua gongala jaali nenge jaatatu medina ljandje ongame ondi li mokati kauo. Tala Iil:4:31 12:5,12.

Egalikano pamue otali kakameke oonkondo domutondi. Omuaa Jesus ota ti: Galikaneni muua nezimbuko. Tonateni galikaneni muua puile memakelo. Omuaa ta jamukula mbala ku mboka taa gongala pamue. Oku mu indila tala Iil:16:25-26.

Tate guomegulu okua hala ojana kombanda jevi je mu galikane nenjanju neinekelo ngashi aana aahoolike ta indile ohe na jina. Mokugalikana namu kale einkelo nuudiginini oshoka ngoka ti indile nomalimbililo oje ita peua sha kOmuaa.

Tate guomegulu okua hala tu mu galikane shili nokue tu uvanekele oku tu uva. S. Amunjela.

Ohatu galikana tu kale aamueni na ajihe mutse na ajihe je tu kundukida taji vundakana opo tu ilonge: „Ngele ta gandja evululuko olje ta vulu oku mu pangula” Job. 34:29.

Hulda Stumpf ngaka a njola omadiladilo ngoka okua li omuhokololambinzi oshoka okua dipagelua mu Kenia kaavalelua mo omumvo 1930. Ou uvitile ombili omaha mpoka ua kalekua? Oho ipjakidile tuu okuilonga iilongua mbjoka Kalunga a hala naanaa oku ji ku longa pehala mpono?

Die Pelgrim

OMUENJO GUA TOPOLUA.

Omuenjo gua topolua oguo oshinima oshiuinaji, omuenjo nokukalamuenjo kuomuntu oku nokukala inaku topolua. Shika otue shi tseja ngaa notue shi zimine nopo ihe tatu keme no tatu ti „Eeno shili, ando ku kale ngeji inaku topolua.” Ihe nando ngeji tatu humu ngaa komeho nomuenjo gua topolua ngashika shito. Osho ngaaka:

Mokulongica ecimbo: Esiku ljosondaha oljOmuaa, omasiku giuuke ogandje. (Aaue, ha osondaha ajihe ojOmuaa, osho omuntu guontumba ta popi, ombinga jongula taji guana ngaa.) Nge tatu shi hola noonomeri otashi ti: 1/7 oljOmuaa, 6/7 oljandje.

Mokulongica iimaliua: 1/10 oshOmuaa 9/10 ojandje. (Iihuna! Itimilongo nandi ji gandje kOmuaa. Omuntu kee niimaliua ji cike mpoka e ji gandje, aue. Otu nokufuta iigandjua joshilongo nojengo ngalo, otatu kamua shili kiinima ja tja ngaaka.) Omuteloni guecimbo ljongashingeji osho ta diladila. Nomufarisaji ta diladila ngeji: Ohandi futu itimilongo jomiipeua jandje ajihe. Otandi ku hambelele Omuaa sho inandi fa omuteloni nguka. Noshho ta ji ihe e ta longica nomuenjo gu nombili 9/10 jomiipeua je kuje muene. Omuaa kee na sha niimaliua mbjoka. Eeno, ondiaboli oku nomakoto shili.

Okukalacana kuetu: Pamue ongeji: Oomminute omulongo ongula pamue nOmuaa nootundi omulongo na atano noomminute omilongontano pamue naantu.

Ihe omuntu ito vulu aluhe okulesha oohapu da Kalunga nenge okugalikana. No ito vulu okulongica emona ljoje alihe moshilonga shOmuaa nenge oku li gandja iikuaca. Nomomasiku goshiuuke ou nokulonga, ndi shi, ito vulu okukamutumba mongerki nenge miigongi ecimbo ljoje alihe.

Eeno shili, ito shi vulu. No ito shi pumbua uo.

Ihe omuenjo tagu popiua mpano. Omuenjo guoje oguOmuaa tuu manga ho longo iilonga joje ji ili no ji ili? Oho ji longo tuu u mu simanekice najo? Niitopolua mbjoka 9/10 jomiimaliua joje oho ji longica tuu pahalo. lJOmuaa nenge ngoje muene auike ho uuca nkene haji longicua nOmuaa kee nompito joku ku lombuela nkene u noku ji longica.

Omuenjo tagu popiua.

Pamue to tala omupagani ta ningi iihuna mokulongela iikalunga ojindi ihe ito tila nando omuenjo guoje otagu kambadala okulongela Kalunga nomammoni. Oto tila pamue uupagani nuushunimonima ihe ito tila okuinjongamena esiku limue koshipala sha diapoli nokukndjica eiuvo ljoje miinima jopondje. E to ipopile to ti: „Osho ngaaka naantu jalue uo haa ningi.”

Otse mbaka tua popiua mpaka, otatu lombuelua koohapu dOmuaa: -Hoola Omuaa Kalunga koje komutima guoje aguhe, nokomuenjo guoje aguhe no kohokue joje ajihe no koonkondo doje adihe na hoola omukeni ngashi ui ihoole muene.

-Oohapu dika odo oonkunkutu, olje ta vulu oku di pulakena.

-Omukulili guandje omuholike, ongame nguka ndi nomuenjo gua topolua no itandi vulu okuishitulula, otandi ku galikana, tula ndje peha mpoka tandi ku mono omuaalelua komushigakano sho ino topola omuenjo guoje ihe ui igandja, okukalamuenjo kuoje akuhe ongOnzigona ja Kalunga peha ljetu. Ino pitika ndi uaje mo moshipala shoje manga omuenjo nguka gua topolua inagu tatuka no manga ngoje inoo shita sha oshihe shoka ngame itandi shi vulu: Ndi peue omuenjo nguka gua hala aguhe oku ku hoola noku ku longela aluhe napehe, ngashingeji naaluheluhe.

Elundululo moshifo Nainen ja Elama

ENJANJU LJA KALA PO OLINDJI.

Meme Liina Lindstrom sho kua li pokucikama a shune manga ku Suomi, OMUKUETU okue mu popica nokue mu pula omapulo gamue opo tse atuhe tu longue komajamukulo ge. Osho ngaaka tua pula.

Oonkatu dehumokomeho ljoshilonga shetumo mOuambo oto di tile ngiini ngele to di jeleke nuule uecimbo okuza kesiku ue ja luotango sigo onena?

Tango sho nde ja kOuambo osondaha kehe mongerki onda adele mo aapagani ja zala omihanga niipa. Ngashingeji kaje mo. KOnandjokue onda adele ko aalongi ju uda oombole niilalo, mbjoka je ji dengelua omolu ukriste uauo. Ngashingeji ihapa uuvika ue, omuntu a dengua omolu ukriste. Esiku ljtango ljangje onda adeleko oombila dimue di nomishigakano. Ngashingeji apehe oku nomaeendo omanene taga hokolola no kOuambo kua gongelua ongundu onene jaamboka ji ikuatele komushigakano.

Ando u shune muugundjuka uoje e to lombuelua isheue: Ninga omutumua u je kaauambo, natango tuu oto zimine nando ua tseja shoka tashi ku pula?

Oshilonga shandje nde shi peua ku Kalunga, ondi shi hoole no tandi shi panda. Ando ndi li petameko, natango osho nda hala oku shi taamba, Kalunga ngele e shi pe ndje. Oshilonga omuntu te shi peua ku Kalunga oshi nejbeko, onke ano inandi hala okuikongela ngame muene iilonga jandje.

Enjanju ljoje olinipo ino hala oku li holeka kookuume koje jo mOuambo?



Meme Lindstrom sho kue ja luotango pamue nomusamane Vapaavuori.

Enjanju ljangje enenelela oljo okudiladila aauambo ajehe mboka ji itaale Jesus. Itandi vuulua oku shi njanjukilua mongundu jaajapuki jomegulu sho mu naauambo uo na jamue mboka ndi ja shi nokuli. Nishue enjanju ljangje enene limue okunjanjukilua aauambo mboka ndi ja shi ja peua okukala moshilonga shOmua kombanda jevi. Ondu uvite esilohenda enene, omuntu nge ta ziminua iilonga mepja ljOmua, onke nda njanjukua shili aauambo sho ja peua uo esilohenda ndika.

Oluhodi luoje moshilonga shika otu lu uuviteko. Ihe sho to lu jeleke nenjanju ljoshilonga, oshinipo sha holoka oluindji shi vule?

Momaluhodi no miimpuiju uo Kalunga a paka mo ejambeko lje, nokua tumine ndje etalaleko lje muene. Osho ngeji mugo uo mua zile enjanju, onke ano enjanju lja kala po olindji.

Ngashingeji mokucikama kuoje, oshigana shaauambo oto shi halele shike?

Otandi ti, inamu fundjalekua komutondi no kuujuni. Kaku nelaago li cike puuandjoka, omuntu sho ti igandja ku Jesus no ta ningi ngeji omuntu gue. Kokeni moku-tseja Kristus opo enjanju ljeni li kale lja guana muje.

Oshike ua hala oku shi ningila natango ongerki jaauambo mecimbo ljoje ljokukala mu Suomi?

Otandi kambadala tuu oku ja galikanena noku ji gongelela ookuume mboka taje ji galikanene.

Osho tue mu pjakidile ngaaka nompulo getu manga kua li mokulongela iinima je. Ihe okue tu jamukula ngaa nenjanju. Eeno, tse atuhe otatu mu halele ondenda ombuanaua mokushuna kue nomajambeko ogendji ga Kalunga moshilonga she shokomeho.

Hambelelua, Kalunga Tate, omolu omeme nguka.

AAKUETU AAHOOLIKE AASUOMI NAAUAMBO!

Otua njanjudua shili kekundo ndjoka tue li tumina kaahongi, ja li ja gongalele moshigongi shauo mOnajena 14. 1. 1954. Ekundico ndjoka olja fala uunene omadiladilo getu kegumbo nokegongalo ndjoka tua li tua kala mo oomvula odindji. Aamuatate, otatu mu pandula noonkondo, sho mue tu dimbulukua, no tatu indile Kalunga oje e mu pe ashihe shoka tashi mu kcleke moshilonga sh'Omua mokati kaauambo.

Naamuameme aauambo, uunene aasita-gongalo naajakuli ajehe moshilonga sha Kristus, nomukriste kehe nomupagani uo ta taalele kegongalo, otatu mu kundica amuhe mesilohenda lja Kalunga.

Otua kala nokuhabelela Kalunga omolu epapuduko ndjoka Oje e li mu tumine no tatu indile uo oje a gandje natango omvula ndjoka jejambeko, opo aantu ojedji ja penducue moomposi no ja hupicue. Nane mboka mua penduka kaleni mua tonata nokugalikana. Omutondi okua gee shili nokua hala okulalulula oomuenjo doka a zile mo. „Omuandje, ikolelela mo mesilohenda ndjoka ljomu Jesus Kristus” Oje muene ta ti: „Muujuni omu li mo mu nuudigu, ihe ikoleleleni. ongame nda sindi uujuni.” Lesho uo Ef 6: 10-19. Tu taleni Jesus auike, oshoka oje ondjila noshili nomuenjo, onguka e tu ningilua ku Kalunga uunongo nuujuuki nuujapuki ekulilo”

„Ku nguka a kuutumba koshipangelapundi no k'Onzigona, ehabelelo nesimano neadimo nepangelo aluhe sigo aluhe.”

Otatu pandula uo „Omukuetu”, sho he ja oku tu talela po uo kehe omuedi no te tu hokololele shoka sha ningua kune hoka.


Kekuaco lja Kalunga tse otu li naua. Meme Lempi oha jakula aavu mu Hospital ji li popepi. Ngame ohandi ende momagongalo nokuuvica evangeli nokuhokolola oompumbue niilonga jetumo. Esilohenda lj'Omua nali kale nane uo amuhe.

Nomakundilo gombili

Lempi na Viktor Alho.



Kuku V. Alho, muugundjuka ue.



IIMENO.

Esiku etitatu mokušhita uujuni Omua. Kalunga okua popi nokua ti: „Evi nali meneke omuidi niuanga iitalala ji noonsheno, nomiti hadi iimike iijimati, adihe okoludi luado.” Kalunga nokue ji mono ja ningi ojo opala. Esiku etihamano Kalunga okua shiti omuntu, omulumentu nomukiintu, nokue ja lombuele e ta ti: „Talen, nde mu pe iimeno ajihe ji noonsheno, nomiti adihe di noonsheno, na doka hadi iimi, odo di ninge oondja deni.”

Okuza komasiku ngejaka omuntu okua longo epja. Oljo ohali kunua oombuto di ili no di ili, no hali tsikua uo iimeno ji ili no ji ili. Miikunino no momajana omu niiguanga niuhua nomiti domaludi ogendji. No nge tatu tala komalundu no kokuti, olje ta vulu okujalula omaludi giimeno ajihe? Aanandunge oje shi kambadala tuu. Oja mono iimeno ji noongala jomaludi 150,000 no ku na natango iimeno mbjoka kaji noongala jomaludi 50,000.

Ope nuumenogona uushushu kau uetike nge to u tala nomeho gouala. No pe nomiti ominene, ngashi omukua guokUukualuudi. Nge ua hala okutala ekota ljaguo koombinga adihe, ou nokukatuka oonkatu 40. Ihe omukua kagu shi omule natango. Ku Australia oku nomiti omileleka. Nge to ke po gumue e to gu jeleke noonkatu doje, oto mono oonkatu 150.

Iimeno ajihe ohaji njanjukilua omvula. Ngashi kOuambo pecimbo ljocinge otatu mono oongala domavo di ijeluca momeja da tonata naua. Ku Amerika oku nomavo omanene ge na uo omafo omanene. Nge to tula okanona kombanda jefo limue, oke li mo naua ongomouato, oshoka uunene ufo limue ouo conkatu ndatu. Koontuntu da Java na Sumatra oku na isheue oshimeno shi noongala oonene. Ongala ja tja ngaaka nge ja tonata naua, oji nuunene uo jaart jimue. Nge to ji tula moshijelekico, oto mono uudigu uajo ouo ooponda mbaali.

Iimeno ohaji liua kaantu no kiimuna no kiijamakuti no kuupuka. Ihe ope na uo iimeno mbjoka haji li uupuka. Oji na eka miifo jajo. Okapuka nge ka kuutumba ko, oka njengua okuza po. Oshifo notashi tameke okuigonja sigo okapuka ka gonjenua mo cilu. Oko no taka liua koshifo shono.

Iilonga jOmushiti otaji kumica omuntu, oshoka otaji holola oondunge de noonkondo de kadi shi kujelekua.

OSHI LONGA SHOSHITI.

Kehe omuambo oku shi shi omuntu oha longica oshiti pamikalo odindji. Omo tamu zi iipilangi niikeca niipundi niitafula noongudi niikuni nomakala n. sh. t. Ihe moofabrika otamu longua iikumica shili moshiti. Moshiti otamu vulu okuza oter noondomo noombapila neka. Otashi ningi uuti uokapalua nuunona uongodi noongaku. Oshiti ngele sha tsuua no sha telekua nuunkulungu, otashi ningi oshipilatusa nombensina nomaoli noma-gadi nosuuka nekende niitopica. Oofilm doka tadi tulua neshina ljokufanekica nado uo oda zi moshiti. To tala okakeca komukueni e to ti: „O, oshipa sha hikua naua!” Nani, kashi shi oshipa, oshinima ngaa sha longua sha zi moshiti. Noshu uo to tala ohema joceji, ngoje no ku shi shi oshijata shoka osha zi uo moshiti shouala. Muujuni uongashingeji

OUNJUNI TAU HAPULA SHIKE

SUIDWES-AFRIKA NA UNION.

Eedula da kula.

Apeshe mu Suidwes-Afrika odula oja loka naualela. Momikunda dopu Mariental odula oja eta efudja olo la tualatuala edu li li koshi jomalutenda eshina nomalutenda a fa a endjelela momopo. Opu li pu nokutungua peeñele dihapu olutenda lupe omashina a ndule okuenda, Mu Union jo ngashi pomulonga Oranje odula oja loka naualela opokati ka Maart. Eendama dinene pokati ka Carnavo na Priska oda kunga. Imue jomudo inenenene, Assedam, oja huunina okujada omudo 1918 na neudo oja jadilila.

Okalombo.

Okalombo oka holoka keembinga dihapu mu Suidwes-Afrika. Okua monika k'Outjo noku Fransfontein, pokati ka Otavi n'Otjiwarongo navali momikunda d'Okahandja nok'Ouambo jo. Omuidi ua kola shili keedula dihapu oñge inau jonua koupuka ou.

Mu Wes-Trnsfaal ovañu va li po va ti'a epungu lavo kashiimba tali jonua po kokulombo aka no itava ka teja naua. Ovanamapja ove li po tava tila kashiimba tava ka kanifa eemurda depungu dihapu shili (e miljona).

Eefabrika otandi longo omutenja noufiku di dule oku'ongekida oudio ua uana uokudipaa po okaombo. Omasina manene, eetraktori, otaa ofaa tekele omapja nomeva oudio. Eembulu de liringile eeñele dinene dokunambela komadi a eta oudio uokudipaifa okalombo.

Eeskola.

Mu Union na Suidwes-Afrika onunona oua dalelua mo 800,000 ve li moskola neudo nomualu uavo ou li po tau hapupala. Okudja komudo 1940 fijo 1952 omualu uounona ou ua hapupala na 312,000. Okulonga onunona ava taku pula epangelo oimaliva i fike po \$ 7,000,000 momudo keshe.

Epangelo lomu Suidwes-Afrika ola longifa momido 1948-1949 meeskola dovalaule k'Uuthimba eeponda di fike po 50,531, ndele momido 1952-1953 eeponda di fike po 78,524. Pomido 1948-1949 eeskola dovabastarti da pula kepangelo eeponda di fike po 25,265 ndele ouduali eeponda di fike po 58,043.

Mouambo nok'Okavango pomido 1948-1949 epangelo ola longifa omolu eeskola oimaliva eponda di fike po 14731. Ovalongi va li po ve fike po 489. Nok'Uushimba ve fike po 239.

POSHIJELO SHOSHILANDELOMAMBO.

- Ou uhala po tuu? Ee.
-Omumuanjoko Aina oku uhala po tuu?
-Onena oku li ngaa ihuepo, shoka onde mu landele embo limue epe, edina ljaljo OKAOMB KOPEKE. Moku li lesa a fa a dimbua uehame ue je nokua njanjukilua okambo ke noonkondo. Ihe okue li lesa nokuli embo alihe, onke nde ja ndi mu landele okambo kamue ka holoka omasiku ngano, edina ljoko MUA PEUA OMAGANO. Ania nokambo nkoka no okauanaualela.
-Ijoo, ngame nde ja ndi ilandele oompunda adike, ihe nangame uo onda hala omambo ngejaka omape. Ohaga landua ngiini?
-Aaue, kage na ondilo, kehe limue tali pula ocilinga jimue ajike.
-Eua, nena na ngame otandi vulu oku ga landa. Ndangi unene sho ue ga tsejicile ndje. Ndangi, ndangi.

to aada iinima ji ili no ji ili ja longua mu „plastic“. „Plastic' oshike ano? Nasho uo osha zi moshiti.

Sho shi li ngeji, otu nokutja: nkoka ku nomiti, oko ku nuujamba. Okuti okunene okua foshigadi shu uuda.

Oluhepo luomeva otalu pu po?

Epangelo li li po tali konakona ngenge tashi dulika eeñele da hepa omeva di tekelue nomeva ok'Okavango okejakulo leeñono doatomi. Tapa tengenekua oshilonga eshi tashi ka pula kashiimba \$ 4,000,000.

Omapja kae neeñono.

Ovanaeendunge domu Suidwes-Afrika ova didilika kutja omapja ovadalelua mo kae neeñono okumenifa oilja. Ovapangeli ove li po va hala okupukulula ovañu va shiive okuhepifa omaqja avo.

Ovaduitsi tava tembuka.

Ouduali ovaduitsi 6100 ova rembuka mu Wes-Duitsiland. Ova tembukile mu Noord-Amerka, nomu Austaralia, nomu Brasilia. Ava ve uja mu Suid-Afrika ve li po ve tika po 1500.

Ovanjasha tava longua eduliko.

Eshi oku novanjasha itava filua naua oshisho kovakuluñu vavo, nde tava dulu okuninga ovakolokoshi novanjoni shashi itava mono etekulo, otava tungilua oshitekulilo mu Johannesburg, omo tamu longua eduliko va shiive okukala mepangelo nomikalodia.

AUSTRALIA.

Ekakamo ledu la kala mu Austaralia. Ombinga inene jedu la Australia oja kakama efimbo li fike peeminute 20. Eengulu dihapu da mona oshiponga.

Ohamba jovaenglihsa nomushamane uaje ve li po tava talele po oipangelua javo. Mu Australia ova mona oudju omolu oudu uounona. Ou tau va kelele okuja peeñele dihapu apa va li va hala okuja.

JAPAN.

Eeskola.

Mu Jaoani kamu na paife unene eeskola detumo, no nande eeskola doukadona da tamekua ketumo. Ndelene paife elunduluko oli po okuuja. Ouduali pua tamekua eeskola dopakriste 72, novalongua vomudo va li po ve fike po 103,000. Omo tamu ningua omambo nombibelitunti jo.

Elenga omukuluñu omulundululi uombibeli.

Tetsu Katayama, elenga omukuluñu lomuJapan la mana oshilonga shaje okulundulula omambo amue om'Estamenti Lipe. Elaka ola jela naua nolu uditike komujapani keshe.



Ohandi indile enjamukulo mongerki onkualuther medu lovauambo, oleli: Ehombolo lopakriste ohali uanifua mongerki, ile meumbo moikulja? Oshike, tashi dulu okuningua nande shikuao kashipo nde ehombolo ola pua?

Tomas Tuutaleni.

ISRAEL.

Ovajuda tava tembukile vahapu shili medu lavo. Moshilongo shavo itashi dulu oku va taambula aveshe. Ava ve neeñono okulonga tava taambulua ndele ve nokulonga tetetete epja eedula mbali. Ovakulupe novanaudu itava taambulua vahapu. Omualu uovatembukili ua ninipala momudo 1952 va li po ve fike po 45,000 na momudo 1951 va li po ve fike po 174,000.

KINA.

Omutumua omusuomi a huunina omufitaongalo Paivo Parviainen kua li e nokudja mu Kina a shuna medu lavo. Pakuhokolola kuaje okukala kuongerki oñguaevangeli okua ninga ihuepo. Paife tava dulu okuongala mongerki nokushasha onunona. Fijo paife eshasha ola li la ningilua meholeko.

KOREA.

Omutumua uongerki oñguaevangeli jopare'ormi Dr. Voelkel ota hokolola nokutja mokati keeñgate doita edi oda li mokampa, ovañu ve fike po 25,000 ove lidilulula novannga ovakriste.

AMERIKA.

Eengerki omugoji oñguaevangeli jopaluteri domu Noord-Amerika oda tuma ouduali ovatumua 259. Muvo omua li 137 ava va ja lotete okutuala evangeli. Ovatumua ovakualuteri va dja mu Noord-Amerika ve li po ve fike po 1438 ova halakana keembinga adishe domounjuni.

OMUÑGULO UOSHINGOLI.

Efiku etu 18 la Desember ouduali pua pita eedula 125 ovatumua votete (vomehanganotumo lomu Basel) va fika medu eli. Oko oku na paife ongerki tai lipangele noi novakuaneongalo 116,000. Hano ovafita ove li po ve fike po 72, novalongi 2108 novaeangeliste 45.

EUROPA.

Momadu mahapu omu Europa mu noluhepo lofavitaongalo. Mu England nomu Sweden ova pumba unene. Opu nomaongalo omafele kae novafita. Oluhepo oluo talu hapupala keshe omudo.

WES-DUITSLAND.

Epangelo la Wes-Duitsland ola fila oshisho ovafiekadi 2,000,000 vovajashua moita, navali konjala eemiljon mbali dovanoponga moluoita. Ovañu ve fike po 500000 nava peua ekuafu manga.

OMAHEPEKO GAAKRISTE ga huama mu Indokiina sha lelua kaakommuniste.

Aakriste 1000 ja dipagua momukunda gumue.

No naale aakommuniste ja hepeke aakriste moshilongo shika ihe ngashingeji ja fa ja geja shili. Aakriste jomoshilongo shoka ojo aashona ajeke 1/6 shomaantu ajehe joshilongo, ihe oshoka ojo ajehe je shi okulesha no haa longo nuudiginine iilonga javo onke je na oshilonga oshinene moshilongo. Aasitagongalo ojendji ja dipagua, nojendji ja indikua okulonga na mboka ja ziminua natango okulonga oja lombuelua jaa kambadale okutedululica aantu. Ngele tapa monika omuntu a bala okuninga omukriste nena omusita ta peua ondjo. Nomagongalo agehe ogi indikua okuhangana nomahanganotumo.

Aakriste aakuetu, natu galikaneneni shili mboka je li momahepeko ga tja ngaka, Omua muene e ja koleke jaa idimbike Omua guavo ihe ja kale aadiginini jeitaalo sigo kebulilo. Tse tu galikaneneni tu mone uupenda muukriste uetu manga tu nombili, manga tatu ziminua okulongela Omua guetu.

O K A A N D J E T U



KAAUAMBO AJEHE.

AMUHONA GUOPOSA MONDANGUA OKUA HALA AANTU AJEHE MBOKA HAA NJOLELE OOMBAPILA DAUO KUUSHIMBA NENGE KU UNION JA TSEJE KUTJA, OOSTOMBE DOKA OOMPE INADI LONGA NALE DA SUID WES AFRIKA NGASHI HADI LANDUA KOPOSA KONDANGUA ODO ADIKE DI NOKUTULUA KOOMBAPILA DA TJA NGAAGA.

NOKULI OMUUAMBO GUMUE GUOMONDONGA OKUA GEELUA, NOKUA FUTICUA IICILINGA OMULONGO OMOLUASHOKA A TULA OSTOMBE JA LONGA NALE KOMBAPILA TAJI JI KU TSUMEB. SHIKA OLUO LUOTANGO OMUNTU A FUTICUA NGAAGA, IHE NATANGO OSHOKA AANTU OJENDJI TAA UMBU OOMBAPILA DI NA OOSTOMBE DA LONGA NALE, NENA MBALAMBALA OJENDJI OTAA KA FUTICUA.

TALA, DIMBULUKUA ALUHE NOKOMEHO OKUTALA OOSTOMBE DOKA DILI KOOMBAPILA DOJE MANGA INO DI TUMA KOPOSA, OPO UAA NINGE GUMUE GUAAMBOKA, U KUATUE NGELE TO UMBU OOMBAPILA DI NA OOSTOMBE DA LONGICUA NALE.

J. PANTOCK.
(Omuhona guOposa)
Ondangua



Oombrive.

Wilpard Kandjumue Windhoek oku nekundoindilo: Omuaa kuaca oshoka aadiginini kaje mo ue maana jaantu.

Hofni Fritz Oniipa ota ti: „Efupa nondumbo ja vala oshiponga.“

J. Shalongo Walvis Bay ote tu popica nelaka ndika: Endelega u itedulule.

Johannes Amakali Luderitz ote tu tso-mukumo tu ikolelele mOmuaa Jesus.

H. P. Kandume Swakopmund ota ti: Manga tu li kombanda jevi otu nokuaadika kuudigu ouindji mokulandula Omuaa guetu.

Hosea Leonard Tsumeb oku nelaka ta ti: Tu tseni uukuni kumue opo omulilo gu huame.

A. P. Silas. Windhoek oku nekundo: Tu kaleni tu hole oshoka Oje okua li e tu hole tango.

Amon Josafat Luderitz oku nelaka: Ongoka i itaala oje ta hupicua ihe ongoka ini itaala oje ota pangulilua mekano. Aakuetu, tu indileni Kalunga e tu pe ehulilo li nelago.

Omakundo.

Aamuameme mboka je li mehalakano otaje tu dimbulukua onke ja hala oku tu cicicila omakundo getu. Mpaka tapu landula omadina gauo kohi:

Samuel Toivo Orangemund, J. Hauuanga Onguediva, Akisel Shilongo Luderitz,

J. Johannes Abenab, Johannes Iitembu Windhoek, Amon Josafat Luderitz, Johannes Muombero Omaruru, Josafat Nambo-mba Windhoek, Josef Shuuja Orangemund.

Natse uo aamuameme tua hala oku mu kunda nelaka ndika: „Kongeni mbijaka jokombanda, Kristus nkoka a kuutumba ko, okululjo lua Kalunga.“

OMUNONA MONDJILA JOKONAMU- TONI.

Meti 27. 12. 1953. Okamati Risto Nakanjala oka piica oonani mbali ka ka lice pooha domanolo luokokuti. Mokulandula oongombe dika mbaali okua puka. Popepi nomankolo opua kala oshitaua sha zi kOndangua tashi uuka ku Tsumeb. Risto okua lambalala ondjila ndjika neonani de mbaali. Shino potundi 11. Ohe okua li inaa tseja shoka sha ningua okua kala ouala moshigongi shaagundjuka. Mokugaluka ko, okua li isheue nuupjakadi ui ili noui ili. Etango sho li li popepielela li nigine opo a dimbulukua okamati oke li peni sho inaake ja kegumbo? Tukuluku pulukutu mokatati ke nokadimbo, puujanda okua tsakaneko omumati omushiinda Vaino, oja ji ngaaka mokushigashiga okamati mpoka keli. Ihe ajee e cilu. Osho tua tala sigo cmoshitaua tu mone Risto oje ngu a tida oongombe da landula ondjila da matuka nokapadi ke uo. Osho tua ji ngaaka.

Uusiku mbuka oua li uudigu ku he. Otua lala mokuti kodima jouala tuua nomulilo iikulja ihaji popiua. Omitse detu otua guilike kendangalati ljouala, omaku-

mbjaca katu na. Kalunga okue tu siikile nokue tu minikile montanda ndjika otua kundukua kongue ja hala ombua jetu Jupi ja lala putse. Ongula sho kua shi otua tsikile noshitaua osho tua matuka sigo opopi nokashana. Opo tua ada ontanda ja Risto jotango. Mpaka Kalunga okua gamene Risto koonime de ende popepi naje da hala oonani de. Opeha tuu mpoka Kalunga okua tula po oongolo odindji. Onke Risto noongombe de oja gamenua. Nopo tuu mpoka uo oongombe da topoka na Risto. Risto a landula ondjila je. Oongombe da ji nokuti mumue noompugulu. Otse tua kuatua kenota no itatu vulu sha Kalunga okue tu tumine omukuankala e tu fala komatsali ge. Opo tua lala notua pendukile ompadi ja Risto. Osho Kalunga a kuaca Risto ina sa nando a ningi omasiku gatatu inaa mona iikulja nemulilo. Oha lala pekota ljomuti sha tuu etango tali toko. Ekumbjaca lje ihua e ji teja. Osho tua mono iikumica Kalunga lue ji tu longele.

Ino k. mua Kalunga sho a gamene okanona haka 11. Osho te tu gamene uo kiiponga mbiko taji tu kunkula. Ano ineke-la Kalunga egameno.

Tomas Nakanjala.
Okankolo



kOniipa.

Emilia Ija Nuukushu a si 6. 1. 54.
Lovisa ja Silvanus a si 22. 1. 54.
Abraham Israel a si 25. 1. 54.
Mariana Mbango a si 3. 3. 54.
Loide Iinjamba a si 6. 3. 54.
Klaudia Paulus a si 24. 3. 54.
Sofia Tobias a si 8. 4. 54

Ontananga:

Johanna ja Shipanga a si 10. 1. 54.
Abet ja Andreas a si 13. 1. '54
Johanna Shigueda a si 16. 1. 54.
Selma Iimene a si 16. 1. '54.
Katri Kague a si 21. 1. '54.
Mateus Filippus jUusiku a si 31. 1. 54.
Tomas Katau a si 6. 2. '54
Gideon Nashongo a si 28.2 '54
Lasarus Muendeleli a si 3.3 '54.
Frans Erastus a si 10. 3. '54

kOshigambo:

Sesilia Aaron a si 5. 1. '54.
Josef Lukas a si 19. 1. '54.
Aser Gideon a si 20. 1. '54.
Filippus Andreas a si 10. 1. 54.
Aaron Edvard asi 26. 1. 54
Filippus Iilovu a si 31. 1. 54.
Frida Iita a si 4. 2. 54.
Immanuel Nangolo a si 5. 2. 54.
Aune Abed a si 6. 2. 54.
Sevelus Samuel a si 4. 2. 54.
Mariana Muilunga a si 3' 3'54.
Hilma Jafet a si 1. 3. '54.
Julia Tobias a si 4. 3. 54.
Klaudia Muatinkinu a si 10. 3. 54.
Sakaria Albeina a si 19. 3. 54.

kOshitaji

Saima ja Pinehas a si 2. 2. 54.
Martin Enjdala ja Timoteus 7.2. 54.
Hilia Erastus a si 10. 2. 54.
Magdalena Filemon a si 9.2.54.
Soini Ndjamba a si 15. 2. 54.
Konstantinus Elindi a si 9.3.54.
Aleksander Koole a si 12.3.54.
Lovisa Kristof a si 19. 3. 54.

Reinhord Josef a si 20. 3. 54.
Martta Lukas a si 22. 3. 54.

kOniimuandi:

Rosalia Benjamin a si 29. 15.4
Fenni ja Verner a si 7.2. '54
Leena Erastus a si 12. 3. 54.
Gottlieb Tomas a si 16. 3. 54.

kOndobe:

Maria Hamadila a fja 22. 2. 54.
Marta Hauuanga a fja 29. 2. 54.
Loide Joel a fja 6. 3. 54.

kOngenga:

Serafina Shilunga a si 8. 1. 54.
Ester Shikomba a si 9. 1. 54.
Maria Shaanjene a si 2. 1. 54.
Samuel Hamutenja a si 29. 1. 54.
Rauna Haluteni a si 2. 2. 54.
Magdalena Melksedek 6. 2. 54.
Moujelele Lasarus a si 7. 2. 54.
Eliakim Frans a si 7. 2. 54.
Sem Petrus a si 29. 1. 54.
Merjam Hauuanga a si 19. 2. 54
Eliaser Kashima a si 28. 2. 54.
Moses Handunge a si 22. 2. 54

Ongandjera.

Hilja ja Ndilime Shicigona a si 9.1. 54.
Moses Jijambo 14. 1. 54.
Tobias Abel 23. 1. 54.
Verner Magongo 5. 2. 54.
Jason Mule 4. 3. 54.

kEndola.

Viktoria Gabriel Hakeimo a fja 31.1.54.
Aili ja Tangolonena a fja 30.1. 54.
Helena ja David Hanhindi a fja 4.2.54.
Selma ja Andreas Nashiuaja a fja 23.2.54.
Isak ja Nakale a fja 26. 2. 54.
Robert ja Martin Kapenda a fja 28.2.54.
Aino ja Aron Kakonda a fja 28.2.54.
Eliaser ja Simson Ananias a fja 15.3.54
Saara ja Nghuujeja a fja 19.3.54.
Eliaser ja Linus Kadila a fja 17.3.54.